

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Ionstoni|| Theatrvm|| Vniversale|| De Avibvs

Jonston, Jan

Heilbrunna, MDCCLVI.

VD18 90528921

Illustration: Tab. 33. Turtur [...]

urn:nbn:de:gbv:45:1-11068

Turtur



Fringilla



Chalantia



Montifringilla



Alauda non cristata



Ficedula



Ficedula Canabia





et pectori uicinae elegantissimo colore rufescunt, nigris, quarum extrema uiridia, intercurrentibus. Hinc uirides cum rufis marginibus sequuntur. Remiges sunt atrae, si albi aliquid occurrit, in extremitate illud est.

Arif. H. A. l. 9. c. 7. Foemina c nisi interiorum aspectu difficulter cognoscitur.

Ex *Indicis* foemina, pedibus exceptis, qui rubri et rostro, quod nigricans, tota est candida. Mari caput, collum, pectus, alae ad remiges, dorsum ad uropygium dilute rufescit nec ulla macula respergitur. Iris in oculis miniaeo colore resplendet. Torquis tenuis et nigra circum quoque collum ambit. Venter prope anum lutescit. Pedes rubei tabellis albicantibus ornantur.

Locus. Nullibi fere non uisuntur, rarius alicubi uel frequentius. In Aethiopia tanto numero per aera uolare traduntur, ut nebulas effundant et solis radios impendant. Apud Tartaros, quia in cibis prohibita, abundant. Sed et Peru numerosae eas alit. Morantur fere semper uel in montium iugis uel ulmi aut aliarum arborum cacuminibus. Hyeme uellatent uel tepidiora loca petunt, unde trimestres, quod totidem mensibus nobiscum agant, Plinio. Cum ad Italiam d ueniunt, in Pontiis insulis prima uolatura requiescendi causa paucos dies morantur. Redeunt ad nos aduentantis ueris nuntiae, cum iam prolem fecerunt.

Nutritum. *Arif. H. A. l. 8. c. 3.* *Columel. l. de Re R.* *Scalig. in Theophr. l. 5. c. 20.* *Vescuntur* e frugibus, glandibus et oliuis. Milio uehementer delectantur. f Aestate sua sponte, dummodo sit facultas cibi, hyeme offa panis uino madefacta pinguescunt et, si nouella sunt aetate, in tantum, ut g pinguedine suffocati intereant tanquam nimio infartu elisis faucibus.

Generatio. De *Generatione* eadem fere, quae in palumbis occurrunt. Bis anno pariunt et trimestres foetificant. Mas et foemina uicissim incubant. Nidus inter densos arborum ramos ex

duris et nodosis lignis construitur. Indicae, quotiescunque oua rumperentur, noua pariebant forte non facturae, si illa exclusissent. Proprium omnibus crepitus uentris et, cum uocem edunt, nouissima pars alui uehementer citatur.

Octonis annis uiuere reliquit Aristoteles, quindecim iisdem cubare Bartholomaeus Anglicus.

Gemere Latinis dicuntur, Graecis *τροχέω*, quibusdam *εβένω*. Tum uolatu tum pedibus plurimum ualent.

Amicitiam colunt cum psittaco, i merula, pauonibus.

Inimicitiam k cum coruo et chloreo exercent. Helleboro, quo columbae intereunt, propter peculiare temperamentum impune uescuntur, malo punico trito perimuntur.

Ad *ingenium* pertinet, quod si mori alterutrum contingat, l a secundis nuptiis abstinere, soli uolare nec ramis frondentibus insidere nec limpidam aquam bibere, nido suo contra lupi incursus m squillae folia, quae isti fugere consueuerunt, superiacere et gladiolum seu tanquam fascinationis amuletum comedere seu nido imponere, qua fide, non addo, prodatur.

Vsum quod spectat, Aegyptiis, quod accipitris sacri sibi alitis unguis aliquando euaderent, abstinabant. Martialis, n cuius aeui capita turturibus amputabantur, clunes laudat. Vulgus pinguiore commendat. In *medicina* idem, quod palumbes praestant. Fimus albugines extenuat. Facilitatur partus, si tribus iuniperi septem lauribaccis cum cinnamoni drachma et corticis cassiae drachma una et semis farta asfata et pinguedine gallinae ad ignem inuncta uesperibis in hebdomade sumatur. Non tangi ueneris, qui in corio lupi cor turturis delatum gustauit, falso a Mizaldo proditum est.

Aetas.

h. l. 3. de

prop.

Animal.

c. 34.

Vox.

Amicitia.

i Scalig. in

Theophr. l.

3. c. 16.

Inimici-

tia.

k Melian.

H. A. l. 6.

c. 46.

Ingenium.

l. Mantu-

an. l. 2.

Part.

Mar.

m Ambr. 6.

Hexam. 4.

Vsus.

n Porphy.

l. 4. de Ab-

stinent. l.

7. Epigr.

